

և պայծառ յազգս և յազինս. ճոխ եկքս
 և աւտարբս, անպարտելի թագաւորս և
 զաւրբս՝ ի հաւատս և ի հոգիս. աստուա-
 ծազան հայրապետս և զեր ի վերո պսակեա
 փառաւք եկեղեցիս: Բանգի կանգնեցեր սմա
 աշտարակ յասպի, և դուռն վանի՝ և պատ
 յականց պատուականաց, սիւն երկաթի և պա-
 րիսպ պղընձի՝ և դու ջահ աստուածափառ ի մէջ
 սորա. որ առեր զխլայն՝ և բարձեր զպատը-
 ւակն, վերացուցեր զքողն, լուծեր զօրոգունս
 պանրացեալ կաթինն. բարձեր զցնցուղս ստեան
 դիել զիւրաւ փափաքողաւցս անխարդախին,
 սնուցեր զմանկունս, պարարեցեր զպատանիս,
 սանձեցեր զերիտասարդս և զաւսարդս. * զաւ-
 րացուցեր զայրս, փափկացուցեր զծերս, սրե-
 ցեր զտեսուչս, կատարեցեր զքահանայս, սըր-
 բեցեր զսարկաւազս, զըրուատեցեր զգպիրս,
 կարգեցեր զկէրս, կեցուցեր զկրաւնաւորս,
 կերակրեցեր զսրբազանս, լուսաւորեցեր զե-
 րախայսն, բժշկեցեր զայսահարսն, ապրեցու-
 ցեր զապաշաւողսն, մաքրեցեր զանմաքուրսն,
 արարեր զայս և առնես միշտ: Եւ յորժամ
 զամենայն լցեր կատարեցեր և փարթամացու-
 ցեր, հաներ զանարգն և եդեր զարդաւորն՝
 լըցեր և զսահման թըւոյ աւուրց կենցաղոյս.

*. Լուս. «զերիսասարդս».